

吳文節公遺集

吳文節公遺集卷四十目錄

公牘

批委員候補縣稟查覆贛縣攸鎮並無私店由

批貴溪縣周冕呈控堂兄妄爭分產由

批貴溪縣周運隆呈控爭產由

批貴溪縣周加賢呈控爭產由

札南安府查拏大庾縣門丁由

批南安府稟覆查辦大庾縣門丁由

批浮梁縣稟請興建書院由

批安仁縣詳審辦鹽犯周先發由

卷四十一
札瑞州府查訊鄧黎氏控案由

批瑞州府稟鄧黎氏控案由

批瑞州府詳鄧黎氏控案由

批南康縣詳委審王克昌控朱德運等藉命嚇詐

由

札湖口縣查覆劉吳氏自盡一案由

批吉水縣詳李生保等直入巡檢衙署挾制由

吳文節公遺集卷四十

男養原謹編

公牘

批委員候補縣稟查覆贛縣攸鎮並無私店由

查前准兩廣督院咨江西員弁跨越淮界於例食粵鹽之地混緝淮私以致商販畏阻粵引壅滯等因業經行道移行遵照在案茲張令奉委於泰和峽江等處既以查無屯私會同各該縣空稟飾覆了事至贛縣粵引界內果係查無私店私鍋何事多求而又妄拏粵界零賣粵鹽並未犯法之夏天洪等三苦人所獲之鹽纔百餘

斤臆指爲難免影射透漏旋復請從寬省釋顛倒錯謬
是徒坐實越淮界紹粵私之惡名俾鄰省得據爲口實
而於疏銷淮引之處纖毫無裨本部院揆其命意不過
渲染查辦認真爲塘差見好之計於

國家公事全不顧及本院賦性至愚實不解於紙上花
描違心許可也仰鹽法道卽飛飭張令迅速旋省一面
飭贛縣將夏天洪等三人立卽釋放店屋啟封並將所
獲之鹽按數給還具報查奪毋稍違延至淮引銷數本
院惟有責成該道嚴勒各該地方官按額疏銷情悞則
劾參而已此繳

批貴溪縣周冕呈控堂兄妄爭分產由

人分家產例不准告爭查閱抄粘該民人周冕之父周相賢與其弟周琬賢等分家事在道光六年不特當時立有分約且同分之周琬賢等均無異言今事隔十餘年之久周鐘瑞等突以分家不公等情違例控爭該縣本不應准理乃混准提訊又不速結懸宕遷延徒爲訟棍書差取錢地步殊非除莠安良之道仰廣信府卽飭該縣查照定例將案註銷毋庸再行提訊所有周冕呈案契據著當堂面給領回並不准交書差轉給以免指勒仍將遵辦緣由報明本部院暨藩司查考儻周鐘瑞

等敢再混控或有串棍滋鬧之事卽專治以應得之罪
抄粘並發該民人卽回縣請領契據毋延

批貴溪縣周運隆呈控爭產由

查告爭家財田產但係五年之上斷令照舊管業不許
重分告詞立案不行定例昭然該監生等與周冕之父
周相賢分析家財無論當時立有議約卽與分書無異
就令當時並未立議自道光六年分析至今已隔十餘
載亦不准違例告爭前據周冕來報具呈本部院批飭
銷案係照例辦理並非據一面之詞遽加批斷也茲該
監生等詞稱前係暫分財產未清並稱周相賢匿契霸

產等情如果屬實何以不控爭於十數年前周相賢在生之日而控爭於十數年後周相賢身故之時其爲架飾妄告顯而易見現據該縣稟明已遵批將案註銷並將所呈契簿飭傳周冕與該監生等給領著卽赴縣請領安業儻再混爭或別滋事端本部院必將該監生嚴加究處勿自貽伊戚也凜之凜之

批貴溪縣周加賢呈控爭產由

前據周冕以周鐘瑞等告爭久分家產滋擾拖累等情來轅具控當經本部院批府飭縣查照定例將案註銷嗣據該監生周運隆等來轅具呈又經明晰批飭在案

查閱周運隆等前詞粘抄在縣所遞初呈本係告爭已分財產迨後續遞詞內始陸續添出私割祭田及洒糧等語本不足信今該監生等以違例告爭家產一節疊經批飭自知無可置喙轉以續後添控之霸吞祭產酒派糧賦藉詞呈瀆究竟所稱該監生等與周相賢置立祭田共有若干坐落何處何戶完糧曾否載明祭產字樣周冕如何吞滅並何項糧賦未經派清何項契據未經分給又不於詞內詳晰聲明殊難保非架捏混訛意圖拖累仰南昌府先就現在來省遞呈之周加賢逐一親訊明確察核虛實錄取切供分晰稟候核辦毋許稍

有支飾含糊原告周加賢同抱告郭球俚押發該府收審

扎南安府查拏大庾縣門丁由

爲訪拏事照得本院訪聞現署大庾縣知縣有信用彭姓門丁卽係大庾縣人遇事生風枉法詐贓百姓莫不嗟怨亟宜嚴拏究辦爲此密札該府札到卽親詣該縣署中將其彭姓門丁鎖拏僉派妥役妥丁慎速押解來省候本院委員嚴究痛懲不准以查無其人爲覆亦不准以先經逐去爲覆更不得以有兩彭姓未知孰是爲覆如有兩彭姓卽一併解省該府雖到任未久旣失察

於前萬勿瞻徇於後自貽伊戚至該署縣是否串授分肥抑係昏庸失察亦就該府所知先行稟覆察核毋違此札

批南安府稟覆查辦大庾縣門丁由

大庾縣門丁彭貴遇事生風詐擾百姓該府卽不先知卽不先令驅逐本院亦不究其旣往乃故爲轉折適形其醜至所下劉經歷考語惟儉養廉以勤補拙二語則大謬不然該經歷係小有才之人儉吾不知也廉則難保勤或有之亦多用於私而非專於公凡事每以巧勝與拙字絕相反本院尙非十分憤憤者且無不必置待

下亦最惡下之欺飾而該府乃以此嘗試耶無已姑望
該府以無知人之明可耳然則所謂彭貴之年少招怨
並無舞弊詐贓之處均不可靠既已解省候委訊核奪
仰布政司會同按察司卽飭該府知之至劉經歷究竟
若何並飭該府再悉心查察據實稟覆勿延切切此繳
稟抄發

批浮梁縣稟請興建書院由

查創建書院雖爲地方上之美舉若遂以爲目前之急
務恐未必然卽如該縣羅藹暉呈控龔大惠掘墳匿棺
一案經本院專札限一月訊詳至今月餘並無隻字申

覆該縣額銷引鹽歲不過二千餘引向年缺銷亦不過一二分果稍肯實力督銷何患不能盈溢本院曾諄諄訓勉竟置若罔聞察核月報銷數缺者如故又該縣年來所報估贓五十兩上下竊案不下十餘起未見一案破獲究辦是治具未畢張地方未盡理似尙有急於書院之舉者本院方時切疚心且使地方上實有好義樂善之紳耆辦有成局地方官鼓舞而玉成之尙屬理所應爾乃特委教佐紛紛勸諭題捐竊恐稍一未協卽流弊孔多正不可不慎也本院不阻止亦不嘉許該縣好爲之無駕名高更無荒庶政是爲至要仰布政司轉飭

又屬確鑿均應澈究查辦該府現稟語詞尙多含糊且
鄧唐如果於四月初十日經縣釋放何以鄧黎氏於六
月初四日尙來轅具控更恐有不實不盡仰按察司飭
卽勒傳過付南禮輝同出錢之鄧孫沙到案提同秉公
質究務得確情據實詳辦慎勿瞻徇迴護並于重咎此
繳

批瑞州府詳鄧黎氏控案由

查該犯賈懸於三月十五日誣指鄧唐買受賊贓將鄧
唐捉回關閉嚇詐十八日卽有賊犯朱星拔供鄧唐寄
贓之事其爲賈懸串差教供與丁役張福等擇肥嚇詐

情事顯然該前縣張令昏憒糊塗致丁差恣橫良民遭其荼毒該府平日不能表率迨被控發猶不切實究懲支吾粉飾於書差皆有意開脫殊堪憤悶仰按察司會同布政司卽飭勒令該前縣張令於半月內將家丁張福交出解府提同犯證切實研審務將棍徒丁役串詐虐民各情節一一從實究出按名嚴辦該府儻再有意迴護開脫不肯實辦必當一併嚴參勿自誤也凜之切切仍候

督部堂學院批示繳

批南康縣詳委審王克昌控朱德運等藉命嚇詐由

查王克昌前控書差人等藉命勒詐各情甚爲確鑿且有抄呈何偉闢說信字似非全出于虛自應切實究辦如係王克昌妄控亦有誣告反坐之律且原案朱德運以並非死者的屬出頭混控其爲索詐無疑該前大庾縣張令以此等自盡當場可結之案率派多差率行濫押尤屬可恨可惡乃現詳一味消弭混以懷疑砌控自行呈海等套語沿習塘塞而於何偉通信闢說一節無可支吾輒稱不知何人捏造非情非理一派胡言無非迴護前官庇縱書差調停化案本部院前係批飭南安府親提確訊該府何以不親提訊究而轉委闢冗顚預

之南康縣實屬玩違仰南康府速卽親提確究限半個月審明務得實情按律詳辦如再徇庇支飾必將該府縣一併指參以期稍挽化案縱差長刁積習切切此繳

札湖口縣查覆劉吳氏自盡一案由

爲札飭事照得江西敝俗無知鄉愚往往因口角細故易涉輕生婦女尤甚其意不過謂拚此一死可以拖累讎家屍屬亦遂藉命以爲奇貨而書差地棍羣起而攬噬矣本部院亟思挽此頹波是以前頒各屬條約內有自盡命案詳結不得逾一月之限意期逐漸挽回訓至遵例屍場定案全賴地方賢有司平時曉諭開導遇事

核實速結不獨使書差地棍無從嚇詐屍屬無從訛索
且使無知鄉愚曉然知死乃徒死不足拖累他人庶幾
惡念不生因而保全性命此爲民父母者所尤當加之
意也乃本院近閱各屬讞詳自盡之案不敢拖延至半
年數月之久然遲至一月兩月後出詳者尙復不免且
大半不論是何衅由總歸至氣痛難受輕生云云夫病
磨難受因而輕生者亦天地間所有之事然不常見也
何以該有司等以此讞斷自盡之案比比皆是儻亦因
陋就簡不肯盡心民事之徵耶卽如該縣現詳劉吳氏
因病自縊一案據訊五月十八日劉泗海因向劉吳氏

之子劉惠堂索討派修祖墳公費錢七百文劉惠堂央緩劉泗海率姪劉廣照遽將其家鐵鍋打碎劉吳氏卽於二十一日早自縊明係劉泗海逞強肆橫致貧家且無以爲炊故劉吳氏被逼氣忿計圖拚死拖累該縣自應當場訊取供結科劉泗海以威逼之條劉惠堂告實無庸議迅速出詳完案使百姓曉然知自盡爲徒死而書差地棍之嚇詐屍親之訛索舉無所施其技卽好勇鬪狠之徒亦帖然知所懲儆是辦一案而觀感者且無窮也乃計不出此遲延五十餘日始行詳報其間之種種弊端已不可問猶復踵訛襲謬以死者爲病磨短見

特展轉謂劉泗海恃強不合科以不應重杖又展轉謂
劉惠堂混報不合姑念到案供明予以原恕如此詞費
是必欲使無知小民茫然謂原來自盡命案地方官必
須說謊方可完結屍親殊爲有權豈非陰誣之輕生耶
而書差地棍之窺破本官伎倆目笑而幸其得計者更
不待言矣民之父母得毋捫心而稍赧然乎除原詳已
批司確查核辦外爲此札飭札到該縣卽先行縷晰稟
覆已事無文飾嗣後當倣暢該縣以名進士出宰百里
當卓然不儕於眾慎毋因仍而墮惡道也勉之勉之再
據原詳內旣稱劉吳氏因病磨輕生夫病豈人之願有

者而率被以孽由自作之看何耶蓋於民本無痼癥一體之意是以率謬之語觸處流露也並飭知之此札

批吉水縣詳李生保等直入巡檢衙署挾制由

查該巡檢許慶春衙署之西護牆樹株究竟署內之樹抑係署外官樹既云被大風吹倒壓壞屋瓦則已倒之樹必須從根鋸去何又止修靠屋枝榦况樹既壞屋無論屬官屬民雖鄉里比鄰亦當聽令修去豈有經官修鋸而李生保敢突然阻鬧之理且官樹官修亦何從挾制看來李生保等鬪署喧嚷是實其修樹起衅恐尙多不實不盡李生保等藐法侮官刁風斷不可長現在供

情已有應得之罪儻不止此定當嚴訊察究置之重典
以儆不法而該巡檢平日有無貪劣擾民使百姓先有
輕侮之心及此案是否應修之樹果否李生保等憑空
贍玩目無法紀必須確切究明不容絲毫含混該署縣
王令於地方上有此不法之民平日之不能教化已難
辭咎儻再有徇飾遷就案情不能核實更當一併叅懲
除札臬司外仰吉安府立卽親提此案人證澈底確訊
限十日內稟覆察奪毋稍徇護飾延致干併叅切切再
李生保供內年歲漏未訊及立卽訊取附覆仍候督部
堂批示繳

吳文節公遺集卷四十一 目錄

公牘

批南昌縣稟每月銷鹽數目未便據旗商所稟作
數請仍照子店所報銷數開呈由

批安義縣詳彭張氏溺斃由

批泰和縣詳劉以棉到死功兄劉以棉出

批萍鄉縣詳遞籍人犯脫逃由

批湖口縣詳請將監生張琳珍革審由

批湖口縣詳楊李氏溺斃由

批瀘溪縣會詳瀘溪縣鹽犯周春桂等奪鹽拒捕

忠文節公遺集

卷四十一

目錄

由

批湖口縣詳船戶趙祥益盜賣引鹽由

批湖口縣稟查辦船戶趙祥益由

批泉司鹽道會詳萬安縣鹽犯受雇挑私由

批吉安府稟獲窩私人犯由

吳文節公遺集卷四十一

男養原謹編

公牘

批南昌縣稟每月銷鹽數目未便據旗商所報作
數請仍照子店所繳之小票作爲銷數方能核實而昭

據稟欲以子店所繳之小票作爲銷數方能核實而昭
公允看去似覺有理之至而不知誤矣子店之小票本
係舊有之章程鹽旗之三聯票係上年本院新立之章
程舍舊章而特設新章豈故求不實故示不公哉蓋必
鹽旗每月所報之銷數方是實在銷數方可作地方官

實在銷數而鹽旗每月之銷數正是子店每月之進數而子店每月之銷數不與焉子店每月之銷數何以不足爲憑何以不能作爲兩縣之銷數有故焉蓋子店虧買零賣不能劃清月日有如甲月買進之鹽銷售不完牽留至乙月扯銷推之丙丁各月無不皆然欲查與鹽旗每月之銷數鍼孔相符勢必不能且有甲年未銷完之鹽牽而至乙年扯銷者其中影射多報藉以售私甚或縣中教令多報以爲銷數好看地步本院無從查察此所以改令立鹽旗之三聯票而後南新兩縣之鹽在銷數始得水落石出也茲據稟欲仍以子店之小

爲銷數自以爲核實殊不知不能核實自以爲公允殊
不知不能公允

子店所賣與零店之鹽亦不能一一悉知其某鹽必賣與新建食戶其所繳之小票亦祇以意爲之可多報該南昌者即可多報新建該縣刻舟求劍失之遠矣

該縣試息心靜氣取上年鹽道詳批飭遵之原文細細體會再與明於此事者反覆推敲當可豁然得其解耳若不求其端不訊其末悻悻執一自以爲得間豈他人盡魯莽不曉事耶其用心皆遜於該縣耶思之至本院八月初七日接該縣摺報七月分銷數當因銷數太少十一日卽批道嚴飭嗣於八月二十二日接新建縣摺報七月分銷數更少閱今七日之久本院尙未批飭殊不

公允此本院之疎本院辦事之遲緩深自咎責現已嚴行批飭矣並知之此繳

嗣後該縣每月銷數仍照鹽旗所繳三聯票之銷數開報不准照子店所繳之小票作數以杜牽混影射無須批道飭商再議又批

南昌年額四萬八百餘引新建年額三萬七千五百餘引本院稽核惟以七萬八千餘引爲總數合計該二縣共銷若干引爲銷數不能剖計也蓋南昌界內之鹽店不能不賣及新建之食戶新建亦然南昌界內之私鹽不能不侵及新建之境新建亦然卽如四月分新建報

銷二千四百餘引南昌只報銷一千引零五月分新建
報銷二千二百餘引南昌只報銷九百餘引本院不能
獎新建而斥南昌也該令見理未透遂至胸中自生隔
閡孔子曰無小大無敢慢該令其加意焉又批

該縣等此時正宜同心合力認真緝私公事方能有濟
不本之揣而末之齊殊非計之得者又批

批安義縣詳彭張氏溺斃由

仰按察司核飭立案至彭張氏年甫十二因尋覓小豬
黑夜冒雨致失足落河身死小民勤苦之概閱之使人
惻然該縣謂其孽由自作不知該縣何所見而謂其作

孽也信手違心責以父母斯民之誼毋亦赧然乎并飭
知之仍候督部堂批示繳格結存

批泰和縣詳劉以紹致死功兄劉以棉由

此案劉以紹致傷大功堂兄劉以棉身死服制攸關自
應嚴究下手確情核實辦理以肅倫紀今原驗劉以棉
胸膛一傷重至骨損如果劉以棉因用刀柄向該犯毆
打該犯僅接住求饒非彼此兩相力持可比劉以棉將
刀奪回何致自戳胸膛重至骨損察核情形明係該犯
有心干犯逞兇戳斃該縣不從實辦理曲爲開脫殊非
辟以止辟之道仰按察司飭再研審起衅爭毆致傷身

死究明實在確情查明服制繪圖按擬招解不準故爲輕縱致干叅咎仍候督部堂批示繳

批萍鄉縣詳遞籍人犯脫逃由

此案孔西桂孔湯氏係遞籍候審之人並非強盜匪徒况孔湯氏係屬婦女該解役以四人管解二人尙任其脫逃必無此情理其爲得賄故縱無疑仰按察司卽飭該縣迅將解役四名卽行解省以便嚴究並會同藩司先將該縣記大過五次勒限一箇月將孔西桂孔湯氏拘緝到案逾限無獲卽揭詳叅懲且查前准湖南撫院咨會將孔西桂孔湯氏湯錦堂等一并遞回臨川縣審

辦今來詳僅止孔西桂孔湯氏之名其湯錦堂曾否并解未據聲明並飭查明具覆仍候督部堂批示繳

批湖口縣詳請將監生張琳珍革審由

據詳楊恒太具控張琳珍欠伊銀錢伊妻李氏向討不還反恃強嚇逼致李氏投塘溺斃嗣據監生張琳珍以楊恒太訛詐不遂縱妻李氏至伊家潑鬧李氏自行失足落塘溺斃等情具訴經該縣提訊兩造各執一詞自應向楊恒太確訊張琳珍所欠究係何項銀錢共有若干有無證據楊恒太何以不洎往取轉令伊妻向索張琳珍如何恃強嚇逼李氏投塘溺斃何人看見逐一訊

明傳質以期水落石出今該縣概置不問亦不將相驗
情形填格通報僅以張琳珍堅不承認一語詳請革究
未免顛頽仰按察司飭卽遵照前指研訊確情錄取切
實供詞同相驗緣由填格另行通詳核辦毋任率延切
切仍候督部堂批示繳

批湖口縣詳楊李氏溺斃由

此案楊李氏溺水身死前據該縣詳報屍夫楊恒太控
被張琳珍恃強嚇逼投塘溺斃提訊兩造各執一詞請
將張琳珍監生斥革嚴究當經批司飭令確訊錄供同
相驗緣由另詳核辦嗣據張琳珍之母張劉氏以周景

凡等主使楊恒太憑空訛索移屍圖賴門丁串詐未遂
舞弊朦朧等情在本部院途次呈控又經批司飭府親
提確究在案茲據詳楊李氏因張琳珍措留田價前往
索討行至張琳珍門首港邊失足落水身死無論與張
劉氏控情不符卽就現詳而論楊李氏借欠張琳珍錢
文伊夫楊恒太豈有不知之理楊恒太旣因無錢使用
將田賣給張琳珍爲業其需用孔急可知何以因張琳
珍欲扣楊李氏欠項轉將張琳珍已交之銀一併付還
任其揩留迨後又不自行往取轉由楊李氏屢向索討
種種支離案情全不核實且原驗楊李氏眼合手握與

洗冤錄載失足落水情形亦不甚符合尤爲可疑關鍵案已批司飭府親究仰按察司卽飭該府查照前次批詞及現在指飭事理作速提集人證親訊確情據實錄供通詳察辦不准稍有含糊仍以具結呈悔等詞顚頽率結并干叅咎切切仍候督部堂批示繳

批南城瀘溪縣會詳瀘溪縣鹽犯周春桂等奪鹽拒捕

由

查額外王晉榮帶兵黃錦彪等十五名前往緝私鹽犯均已竄入貴溪縣境僅止四人將鹽掠棄該額外當時旣未便越境追擊自應將所獲鹽簍督飭兵丁一同護

解回訊據稱先令元連升等十一人走向止令黃錦彪等四人分攜鹽簍意欲何爲此不過欲開脫十五人何以不能敵鹽犯四人護獲鹽八小簍之曲筆本院天良未喪不能爲所愚也至所挑鹽斤既據現犯吳芬生等供明係赴金谿縣破港地方王春榮所開雜貨店內交卸是私販銷贓已有著落何以並不委員關移查封緝犯尙得謂之盡心辦事耶總之該縣等凡遇鹽案無不千方百計設法消弭並不切實審究不過委之陋幕粉飾圓謊殊不知事不核實處處露出破綻偷安玩令可恨已極仰按察司立卽會同鹽法道飛飭建昌府委員

移行撫州府金谿縣查封緝犯解究一面勒緝逸犯王
春榮等務獲提同現犯另行研審販私被獲奪鹽拒傷
汎弁及周春桂等如何夥同興販情事務得確供另詳
察辦不准絲毫捏飾以重

國法而戢悍俗至籤稟所稱周新保係受雇爲王春榮
挑私又稱另有何拱生與周新保各帶鹽斤與王春榮
並非同夥究竟周新保係屬一人乎抑兩人乎隨手混
敘視公事爲兒戲尤爲可恨卽嚴飭查明稟覆並飭以
後不准用紅單粘籤切速切速仍候督部堂批示繳

批湖口縣詳船戶趙祥益盜賣引鹽由

查運鹽船戶將裝運引鹽沿途盜賣捏報淹消最爲謬
務大害不獨有虧商本且所盜賣之鹽卽爲私鹽散布
各處佔銷引地此案船戶趙祥益裝載黃正太旗引鹽
四萬四千餘包赴縣稟報淹消現據究出該船戶有盜
賣情事是其盜鹽售賣捏報淹消業已敗露該縣卽應
嚴切根究據實懲辦乃該船戶狡稱盜賣之鹽僅四百
五十包該縣卽不深究不知該縣何所憑而信其盜賣
催止此數不過爲計贓科罪輕減罪名地步至河保卽
係分贓包庇之人儻供未經看見尙或實情今乃供看
見趙祥益船隻遭風卽此可定其串盜分贓況商廝吳

振魁在途自縊情亦可疑該縣不從實究辦含糊詳報
預存化大爲小之見牢銅陋習面訓不悛實堪痛恨除
札鹽法道轉飭移查審辦並徑札該縣遵照外仰接察
司速飭該縣移查商廝吳振魁致縊緣由一面提犯嚴
審實在如何盜賣引鹽捏報淹消務得確情另錄切供
據實通詳按擬解辦儻敢再行顚預必予嚴參慎勿自
殆伊戚也凜之仍候督部堂批示繳

批湖口縣稟查辦船戶趙祥益由

查此案前據該縣通詳因所訊供情含糊不實當經批
司轉飭嚴訊並徑札該縣提犯確審在案今據稟前情

查稟稱船戶具報在下石嘴地方淹消今查在永和洲
相距十里等語該船戶因何捏報該縣當時如果親勘
何至漫無覺察而其時巡江員弁鹽快人等何以一無
聞見該縣亦絕不查訊且船旣擋淺其船身器具非紙
糊者豈能飄散時經四五月之久其爲人拆賣無疑滿
紙無理之謊荒謬已極該縣前旣查訊不實現復種種
含混實屬可恨仰按察司卽會同鹽道飛札湖口縣將
差役曹福及案內應究地保鹽快人等一併卽日鎖解
來省委員嚴訊究辦一面會同藩司將該委員詳咨斥
革以憑訊究此繳

批_{臬司}_{鹽道}會詳萬安縣鹽犯受雇挑私由

此案前因萬安縣竇令不肯從實究辦顙預通詳經本部院批司嚴飭審究今既究出該犯羅羽空聽從火燒鬼迭次在贛縣小分水謝姓店內買鹽挑赴泰和縣白鷺街光興飯店售賣是謝姓與光興飯店爲積慣濟梟固私要犯謝姓在小分水地方係贛縣所屬或未便越粵引地界查拏而泰和縣所屬之白鷺街光興飯店何以亦不拏辦萬安廬陵二令尙可諉曰鄰封而吉安府則皆其所轄也該守亦可以勦緝另結了之耶有意顙預玩視公事殊爲可恨泰和縣平日任令地方私販窩

固已難辭咎事發猶不迅緝跟究鬪冗已極此案總須
將興販之梟匪窩圃之私戶一一拏獲懲辦斷不准草
率了結仰卽飛檄吉安府限文到十日將光興飯店積
窩匪犯報獲取供詳辦如不獲犯空言飾覆卽將該府
及前署泰和縣一併揭叅仍錄批報明督部堂並候批
示繳

批吉安府稟獲窩私人犯由

拏辦窩圃爲杜絕私鹽要著此案光興店夥彭元海歷
次窩私該地方官及鹽卡員弁先不察拏已屬形同木
偶迨獲犯羅羽空到案供出猶不拏辦聽其窩鹽以致

毫無顧忌設非本部院嚴批指飭勢將置之不問白羊
均北圯各卡員弁所司何事於此等積慣窩梟不緝不
拏怠玩因循徒糜經費似此不知羞恥之員弁該府縣
何必猶以訪拏協獲套詞爲之周全耶現在彭元海旣
已解府此係積慣窩戶其所供窩過私鹽五六次必不
止此該府務當從實跟究勿再含混其餘逸犯火燒鬼
等尤當飭屬按名嚴拏獲辦勿再顧預遷就仰按察司
會同鹽法道速飭遵照提犯彭元海嚴究窩私實在次
數及窩過鹽犯的實姓名逐一跟追拏辦一面督飭萬
安泰和二縣勒限嚴拏逸犯火燒鬼劉尙泮務獲併究

並飭贛縣查傳謝姓店內賣鹽之人確訊售私實情一
併按擬詳辦均毋延縱切切此繳

吳文節公遺集卷四十二目錄

公牘

批石港卡武弁稟獲私鹽由

批鹽道稟覆石港卡文武員弁稟獲私鹽情節不符由

批峽江縣詳會同卡員拏獲貨船夾私由

批龍母廟卡員稟拏獲貨船夾私由

批鹽道轉飭良口卡委員緝私由

札德興縣緝私由

札饒州府等查拏梟匪由

札德興縣緝拏梟匪由

札饒州府轉飭緝拏梟匪由

批代理德興縣稟香屯卡巡丁被梟擄毆由

批饒州府稟請咨院省拘提人證由

吳文節公遺集卷四十二

男養原謹編

公牘

批右港卡武弁稟獲私鹽由

該把總對面與私梟相接梟之所持者芻槧耳乃被其打傷而不能擒獲無能已極尙公然形諸稟牘實屬無恥查該把總緝私不力前已札飭回營仰鹽法道卽飭遵照前札帶兵回省聽候察辦再現據文員葉紹昌稟報於閏七月初七日四更時分拏獲私鹽一百四十八隻連皮稱重三千二百五十餘斤該弁稟內敘稱鹽一

百七十七簍重三千八百九十餘斤其拏獲日時與葉紹昌所稟相同而所獲鹽數互異是否另係一起並卽迅速查明稟覆仍候督部堂批示繳

批鹽道稟覆石港卡文武員弁稟覆私鹽情節不符由

查此案前據該卡武弁葉名榮稟報閏七月初七日四更時分督同兵丁拏獲鹽船攜回卡所查點私鹽共一百七十七簍當因稟內聲敘簍數與文員葉紹昌所稟互異批令轉飭安仁縣查明稟覆在案茲據該道轉據稟覆查明該卡閏七月初七夜共計獲鹽一百四十七

冀因同前七月報獲存卡未解鹽三十簍存貯一處該
武弁一時疎忽誤行併敘入稟等語本院檢查前七月
內並無該卡稟報拏獲私鹽三十簍之案其爲該縣代
爲捏飾已屬可恨且即使實有其事而此起係連船並
獲卽係原船原鹽卽日解省前七月所獲之三十簍自
早已起岸貯卡何得頃刻之間卽能併貯一船無情無
理任意說謊做案尤令人切齒至打破船篷尙堪修補
駕駛扭捏悖謬不勝枚舉該縣林令只知瞻顧同寅不
顧事理之不順強詞曲說自以爲消弭得計殊不知其
不肯實心辦事已爲本部院所心輕而意疑之矣何善

於爲人而不善於自爲也仰卽嚴行申飭仍令明白答覆至葉紹昌人甚卑鄙狡詐且時常擅離卡所斷難姑留卽作速撤回另詳示懲一面別委妥員前往接緝并將銜名報查均毋遲違切切此檄

批峽江縣詳會同卡員拏獲貨船夾私由

據詳拏獲船戶黃添盛販賣私鹽同另稟拏獲紙船上逸犯私鹽二起所獲之鹽均不過二百餘斤而皆將客貨一同拏獲雖據聲明示飭原客領回而貨旣到官原客來領必至書指差訛無端受累該員弁等拏此些微之鹽塞責累及無辜勢將商旅怨嗟且紙船一案販私

正犯並未拏獲現案雖獲黃添盛一犯試問能辦出何等重罪不過將來虛擬一徒罪捏成親老留養了事而於公事毫無裨益轉致客商受累瑞計該員弁拏此等小數之鹽必是將大夥賣放殊爲可恨仰按察司會同鹽法道速卽飛飭遵照示傳本客將貨照數給還另稟備核如書差敢於留難指勒需索分文必將該縣嚴叅一面嚴緝水手許翠尙等并關拘賣鹽之正興號到案提同現犯研審實情按擬詳辦仍飭該員弁等嗣後務拏大夥私梟毋得僅將零星私鹽搜拏塞責滋擾行旅有干參咎仍候督部堂批示繳

批龍母廟卡員稟拏獲貨船夾私由

查此二案前據峽江縣具詳並會同該員弁等具稟當經明晰指示批司會飭將起獲各貨速傳本客照數給還稟核毋許書差指勒需索一面嚴緝水手許翠尙等並關拘賣鹽之正興號到案提同現犯研審實情按擬詳辦各在案仰按察司會同鹽法道查照前批飭該員弁等知照并飭峽江縣道辦仍令該員弁等嗣後務拏大夥私梟毋得僅將零星私鹽搜拏塞責滋擾行旅有干叅咎再該員弁等所獲之謝理福係無辜之人販私正犯並無拏獲黃添盛一名雖經訊認販私尙有水手

許翠尙等在逃且兩案所獲之鹽不過二百斤及二百
餘斤轉將客貨一同拏獲累及商旅似此緝私正當參
懲何得硯然自以謂人鹽并獲請將船隻變價全行賞
給實屬可笑所有此二案船隻著俟定案後由司道核
議另詳辦理不准絲毫給賞仍候督部堂批示繳

札鹽道轉飭良口卡委員緝私由

據萬安縣良口卡委弁雷調元稟報六月初一初四初
六等日拏獲私鹽三起連皮共計一千八百七十六斤
又紅船陸續查獲下水船隻夾帶私鹽一百三十七斤
等情前來查該卡爲通省最大之卡兵役最多坐耗經

費最甚必須日日將巨窩躉販僨擎報獲乃所報大宗
殊屬寥寥而轉以紅船陸續查獲下水船隻夾帶私鹽
一百三十七斤公然自以爲功可恨已極以一百餘斤
之鹽經陸續查獲則其每起不過十斤八斤之零鹽食
鹽可知似此逐船搜查實不過逐船訊索該都司等有
意縱令兵役騷擾不顧公事之有益與否不知該都司
等具何心膽而敢於藐玩如此本院已屢次含容頻番
訓諭該員等總以報獲逸犯小夥爲得計其爲得規賣
放巨窩巨梟不問可知

國法具在毋輕嘗試也除批飭該都司等於接批後先

據實明白稟覆外合行札知爲此札仰該道卽便一體
轉移遵照毋違此札

札德興縣緝私由

照得該縣爲浙私侵淮門戶該令平日全不以緝私爲
事不獨下游各縣均被其害卽該縣本境每年僅額銷
八百餘引且幾於片引不銷已屬偷安無能本年夏間
經本院訪聞香屯卡委員弊竇特加整頓並嚴催該令
認真緝私疏引該令既不能將卡員弊竇審出實情復
不能緝私疏引數月以來每次旬報仍是片引不銷尤
屬毫無愧恥本應卽登白簡姑再嚴訓策勵以觀後效

除札鹽道外合行札飭爲此札仰該縣遵照自此以後所有該縣本境額銷八百餘引固不准一引短絀然尙不能以勉銷額引遂可僥倖告無過也其香屯卡緝私事務卽著該令會同卡員一體經理凡一切偵緝及報獲人鹽數目均著三人聯銜公稟功過同之如再不知振奮將大夥私梟頻頗報獲經旬累月僅以些少逸犯私鹽稟報塞責將來卽彙同文武卡員一併叅辦至拏獲鹽犯有意開脫化大爲小反怨卡員多事及未獲之鹽犯畏事苟安不肯偵拏皆地方官慣技不知私鹽過境暨縱梟化案等條均于嚴議該縣儻敢蹈此立卽核

叅勿謂本院誠之不預也稟切特札

札饒州府等查拏梟匪由

照得本院訪有樂平縣梟匪王鳳彩等數十人在於婺邑之小港地方設立公堂專包私鹽過卡每擔連卡費抽錢三百文凡私鹽過卡有公堂人到卡知會卽不過問惟照數收費梟販以過卡爲關以納費爲稅連船直達四溢侵充無所忌憚如零星私鹽不經王鳳彩等之手卽送信卡所截拏以爲報功地步該卡巡役水手共祇減剩八人兵丁亦祇二十餘名每日僅派二人託名查船虛應故事實藉以零星詭索卽如本月初一日有

過卡私鹽一百二十餘擔係王鳳彩等經營之鹽卽得規放去初三日有羅姓兵丁查出樂平船帶有未經出費之私鹽百餘斤當向索得錢一百數十文亦卽賣放本院訪查確實不禁髮指皆裂設卡本以緝私乃轉爲賣私生財之具該員弁等如串同兵役得規分肥固罪無可逭卽庸懶故縱亦咎無可辭該德興縣督銷緝私是其專責疊經本院嚴行札飭均付之不答官鹽片引不銷亦置之不問已屬閑冗不堪乃地方上有此等巨梟不法之徒該卡巡有此等干紀不法之事亦竟如聾如蹠形同木偶豈復能勝地方之任本擬卽行一併叅

革究辦然轉得令置身事外姑且使之將功贖罪除札
香屯卡文武員弁遵照辦理外合行札飭爲此札仰該
府卽便遵照轉飭勒限二十日將王鳳彩等一千梟匪
按名拏獲嚴訊切供並得規之兵丁巡役亦按名鎖拏
訊供一同押解來省聽候究辦儻該委員弁等尙敢支
吾諱飾該德興縣尙敢觀望推延致使犯無一獲或僅
以一二贓少罪輕之犯搪塞了事仍不能倖免叅究也
爲功爲過聽該員弁等暨該縣自行擇取本院濡筆以
待稟之特札

札德興縣緝拏梟匪由

該縣地方有此梟徒勾通兵役骩法營私不先查拏稟辦迨經上司指名飭拏提以先曾風聞未敢冒昧舉發之詞支吾文飾且猶覲然自謂抵任以來嚴密訪查有犯必獲有弊必除本部院實不知該縣所獲何犯所除何弊也仰按察司會同鹽法道嚴飭該縣查照節次檄行迅將王鳳彩等一千梟匪按名拏獲由縣研訊切供解候究辦並候據稟移咨安徽撫院轉飭婺源縣一體拏解仍先將蔡元泰等迅卽解省以便訊究此繳

札饒州府轉飭緝梟匪由

照得香屯卡弁兵得規賣私一案前據德興縣稟稱認

出兵役蔡元泰等得規屬實但人止七人事止本年三四月間二三次贓亦甚微官弁一字不沾及本院已心知包令非不能審出實情不過有心迴護化大爲小消弭做案甘蹈無恥之惡習耳現在經本院將由卡押回餘剩之兵丁八名提署鞠訊已據一一供吐自二十三年七月起王鳳彩卽向該卡兵商議回明本官許送錢文本官應允一年以來賣放私鹽不下數十百次贓私纍纍文武員弁兵役按四六均分等語除文武員弁另札該府遵辦外合行札飭爲此札仰該府遵照卽將兵丁蔡元泰等七名巡役張龍等十六名速提嚴訊務得

確情錄供通詳解省辦理一面嚴飭該德興縣將王鳳彩等一千梟匪全行弋獲該縣既節節闊冗玩縱於前若再不獲犯贖愆試自問何以位置本院亦可謂誨之諄諄矣特札

批代理德興縣稟香屯卡巡丁被梟據毆由

查香屯卡巡丁汪貴被羅梁等捉去毆傷與船戶吳秋元及張爲元等被獲本係兩事該卡委員吳臨之等前稟稱吳秋元係爲梟匪來卡探聽消息之人原非確論現旣訊明船戶吳秋元曾買有私鹽例有應得罪名應再研訊辦理至張爲元等六人旣訊屬無辜應卽立予

釋放並將該卡獲存之張爲元等賣豬及吳秋元代人
寄帶各錢文一一分別清交如短少一文惟吳臨之汪
宇釵是問至汪貴於未充巡丁之先與人賭博實其不
安分之事若見人販私至卡報信則不得謂之不安分
現在即使梟匪挾其從前報信之仇將其捉去毆傷亦
當嚴拏究辦至汪貴受傷之輕重該卡員有無虛報重
傷自可水落石出梟犯自有一定罪名不必因卡員之
報傷重而案始當辦卽不得因汪貴之受傷輕而梟犯
遂可不拏此案遂可不辦也該代理縣視事多日無一
犯報獲實屬玩縱無能本部院前已特飭饒州府親督

拏究現復准督部堂咨飭嚴拏解省究辦仰按察司會同鹽法道卽飭該府遵照前札親督員弁兵役迅將羅梁等各犯拏獲由府親究確情據實錄供解省審辦一面飛飭該縣速將販豬之張爲元等六人立予釋放並將存卡錢文照數移取由縣當堂分別交還取領報查一面將吳秋元覆訊錄供按擬詳辦均切刻延再本院迭閱該德興縣正署任各稟詞及卡員吳臨之各稟詞在地方官則據他人失實過當之詞而陰欲遂其化案偷安之慣技在卡員則又援他人消弭顙預之習而自張大其緝私出力之難能其實一則遇案不肯實辦而

先窮詰夫卡員之虛僞一則緝私並未出力而轉諉卸
於有司之寬縱各爭閒氣各荒正事厥罪雖均本院已
如見其肺肝耳現在該縣已回任卡員已更換在包令
當時凜本院札飭及面諭之言實心實力辦出效驗毋
自取重咎在胡縣丞當振作精神勿將就取巧勿虛惰
見好以期無負委任在汪都司本不過因人成事之人
亦當自問既居武職須倍加愧奮勿懶勿怕勿辭辛苦
勿縱容兵丁勿不恤兵丁設法偵緝以期免咎各除私
見各勉後效同心協力一意辦公儻仍敢逞私而不顧
公本部院自能鑒察自有以處之也爲此併仰轉飭知

之仍候督部堂批示繳

批饒州府稟請咨曉省拘提人證由

查核羅芳遠供詞多有不實不盡必須嚴拏各逃犯務獲切實根究詳辦在逃各犯據供樂平德興之人居多何以不勒令該二縣查拏必先諉過鄰省屢關因應耶且婺源實有應提之犯督部堂係專管鹽務安省又其所轄何不縷晰飛稟切實申請督部堂或委提或專札婺源立拏解究方於事有濟若推之本院咨提將來人犯不能迅到本省承審承緝之員轉得以藉口宕案殊非核實辦公之道仰按察司會同鹽法道飛速轉飭遵

照辦理毋再諉延並由該司道另行會詳以便分咨兩
江督部堂安徽撫部院可也此繳